



國家清史編纂委員會·文獻叢刊

清代詩文集彙編

國家清史編纂委員會 · 文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四一四

更生齋集二十八卷（文甲集四卷文乙集四卷文續集二卷詩集

八卷詩續集十卷） 洪亮吉 撰

更生齋詩餘二卷 洪亮吉 撰

一
三八一

松聲池館詩存四卷 汪 瑈 撰

四〇五

紅蕉山館詩鈔十卷紅蕉山館詩續鈔二卷 喻文鑒 撰

四三七

雙梧桐館集二十六卷 楊 振 撰

五九七

禮耕堂叢說一卷吉貝居暇唱一卷史論五答一卷 施國祁 撰

七八九

更生齋文甲集卷第一

陽湖洪亮吉著

與安西州守胡紀謨書

昨握別後出州城西北行九十里至白墩子宿墩旁地勢高下沙砾中尚有廢城舊址土人居者亦不下數十家右側有泉寬二十餘步土人呼爲疏勒泉日用灌漑皆資之余時卽疑漢疏勒國在龜茲之西于闐之北較烏孫等國更遠何得敦煌郡地卽有疏勒泉連日車中無事取所攜前後漢書西域傳及耿恭等傳校之而知恭所屯之疏勒城實非漢疏勒國所都之城但同其名耳攷前漢書西域傳疏勒國治疏勒城後漢書傳云疏勒國領戶二萬二千

勝兵三萬人于西域中爲強國則都城內既有王又有疏

勒侯擊胡侯以訖左右譯長等官既不一加以居民勝兵自不下數萬何以棄而不居反留空城爲恭等一二千人

所據若云與疏勒國衆同城則匈奴車師不僅圍恭等并

圍疏勒國君民矣匈奴旣于城下擁絕澗水則一城之人必皆大困恭卽能穿井得水疏勒國衆又將何飲乎恭卽能煮弩作食疏勒國衆又將何食乎且自圍城已及圍解


傳不涉及疏勒國一字明非疏勒國都城可知一也二則

地理遠近不合恭傳言恭爲戊己校尉屯金溝城謁者關寵爲己校尉屯柳中金溝城卽今奇臺縣東之古城柳中卽唐柳中縣在哈密城四十里皆與今州西之疏勒泉近

香山集

文甲集四卷 七集四卷 詩集八卷

授經堂藏板



而與漢疏勒國城遠至二倍圖經古疏勒國去陝西省九千六百里今鎮西府去陝西府西不及五千里古城在一也三則日月遲速不合恭傳言肅宗建初元年正月秦彭等會柳中擊車師攻交河城自柳中至交河城一往一返及攻城之日至少亦須一月及車師降後乃分兵使范羌從山北迎恭又遇大雪丈餘卽至速亦必半月可達圍解之後且戰且行吏士又素饑固然恭傳云是年三月已至玉門則道里甚近必非自疏勒國至玉門可知三也又恭傳云發張掖酒泉敦煌三郡及鄯善兵鄯善國在今沙州衛西與三郡皆距今州西之泉密邇當日必就近徵發四也四則南北向背不合交河城卽今土魯番在雪山之北今疏勒泉亦在山北而疏勒國遠在雪山之南若恭果據疏勒國城則當使范羌從山南迎恭何得反從山北此又一顯證矣五也又與班超傳彼此情形不合超傳建初二年上疏言臣孤守疏勒于今五載自建初二年上溯至永平十七年方及五載校恭傳被圍之日正在永平十八年及建初元年且超傳言永平十八年帝崩焉者以中國大喪遂攻沒都護陳寵超孤立無援而龜茲姑墨數發兵攻疏勒超守槃橐城與忠爲首尾卽王使恭此時在疏勒國都城正可與超往來接應不慮勢孤而何以超傳旣言孤立無援恭傳又云孤城固守明二人必不同在一國可知況一疏勒城也豈有龜茲姑墨攻其一面匈奴車師又攻其一面而兩不相聞者乎且恭

古今考叢卷一百一十一

果在此城內是以喪敗之餘二三十人受四國迭攻恐亦無此理況鮑昱鄭衆上疏訟恭之功使圍城有四國正當張大其詞而何以一則言匈奴圍之歷旬不下一則言當匈奴之衝對數萬之衆皆僅言匈奴不及他國乎此又可準情酌理明爲必無之事矣至非疏勒國城而亦名爲疏勒者此亦如上郡之有龜茲酒泉之有玉門或居其流人或徙彼降戶皆未可定總之此疏勒泉卽爲耿恭所守疏勒城旁之泉雖不敢懸斷而恭所守之疏勒城必非疏勒國都城則已萬無疑義矣前者坐次縱談知足下素留心輿地之學況此泉又近在足下州城之下用敢就便質之貢罪遠行不克多攜書籍恐有窒礙處尚望足下有以教之

昆侖山釋

昆侖山卽天山也其首在西域山海經昆侖墟在西北河水出其東北隅釋氏西域記謂之阿耨達山爾雅釋水云河出昆侖墟史記太史公曰禹本紀言河出昆侖墟其高二千五百餘里之類是也其尾在今肅州及西甯府漢書地理志金城郡臨羌縣有弱水昆崙山祠郡國志臨羌有昆侖山其地在今西甯塞外崔鴻十六國春秋云張駿時酒泉太守馬岌上言酒泉南山卽昆侖之體周穆王見西王母樂而忘歸謂此山也括地志元和郡縣志輿地廣記太平寰宇記並云昆侖山在酒泉縣西南八十里是矣杜

佑通典云吐蕃自云昆侖山在國中西南河之所出唐書
吐蕃傳云劉元鼎使還言自湟水入河處西南行二千三
百里有紫山直大羊同國古所謂昆侖虜曰闊摩黎山東
距長安五千里在今青海界一統志今黃河發源之處雖
有三山而其最西而大爲真源所在者巴顏喀喇也東北
去西甯邊外一千四百五十五里延袤約千餘里山不極
峻而地勢甚高自查靈鄂靈二海子之西以漸而高登至
三百里始抵其下山脈自金沙江發源之犁石山蜿蜒東
來結爲此山自此分支向北層岡疊嶂直抵嘉峪關東趨
大雪山至西甯邊東北達甘肅涼州以南大小諸山並黃
河南岸至西傾山抵河洮階諸州至四川松潘口諸山河

源其東而其枝幹盤繞黃河西岸勢相連屬蒙古柴名之
爲枯爾坤枯爾坤華言昆侖也益可知自賀諾木爾至葉
爾羌以及青海之枯爾坤縣延東北千五百里至嘉峪關
以迄西甯皆昆侖山也華言或名敦薨之山或名葱嶺山
或名于闐南山或名紫山或名天山或名大雪山或名酒
泉南山又有大昆侖小昆侖邱昆侖墟諸異名譯言
則名阿耨達山又云悶摩黎山又名騰七里塔又名麻琫
刺山又名枯爾坤其實皆一山也善乎馬岌之言曰酒泉
南山卽昆侖之體明昆侖山首在西域而其體則絲亘漢
敦煌漢書地理志敦煌郡廣至有昆侖障酒泉金城等郡界穆天子傳爾雅以及史記漢書所言昆侖皆指今酒泉南山及臨羌大雪
山而言不遠迹至于闐葉爾羌以及先零燒當等境也禹
貢所言昆侖析支渠接亦當去雍州不遠昆侖國蓋因附
近昆侖山而名今考水經注引涼土異物志葱嶺之水分
流東西東爲河源禹紀所謂昆侖山者是也是葱嶺名昆
侖之證漢書張騫傳天子校古圖書名河所出爲昆侖山
此昆侖山卽指今于闐南山是于闐南山名昆侖之證唐
書吐蕃傳其南三百里三山中高而四下曰紫山直大羊
同國古所謂昆侖者也是紫山名昆侖之證元史河源附
錄云吐蕃朵甘思東北有大雪山亦名麻不莫刺其山最
高譯言騰七里塔卽昆侖也是大雪山名昆侖之證馬岌
言酒泉南山爲昆侖之體是酒泉南山爲昆侖之證總之

昆侖者人之首昆侖山者山之首亦地之首故以爲名河
圖括地象云昆侖山爲地首是也今攷南山自西域至酒
泉金城實皆南條諸山之首故可總名爲昆侖此山遞迤
至雍州境卽爲太乙終南諸山山名終南明塞外之南山
至此已終也

西海釋

吾家客齋隨筆以爲四海一也無所謂西海其實不然山
海經海外大荒經云西海之南流沙之濱有大山名曰昆
侖漢書西域傳云于闐之西水皆西流注西海水經注引
涼土異物志云葱嶺之水分流東西西入大海大海卽西
海與西域傳畧同又引康泰扶南傳云恒水之源乃極西

北出昆侖山中有五大源枝扈離大江出山西北流東南注大海又引法顯云恒水又東到多摩犁靬國卽海口云海口卽西海口也班固西域傳犁靬條支國臨西海范蔚宗西域傳論云甘英臨西海以望大秦晉書安息天筑人與大秦國交市海中又云鄰國使到者途經大海海水不可食杜佑通典大秦國即拂菻在西海之西亦云海西國此西海之見于唐以前史傳者若以近今證之葉爾欽卽古于闐國西域聞見錄葉爾欽西行六十餘日至克食米爾克食米爾復西南行四十餘日至溫都斯坦水亦可通云云又云溫都斯坦其地之江河皆通海洋時有閩廣海航到彼停泊是西海卽在溫都斯坦之西東西南北之海無不通故西海中亦時有閩廣船到也所云葉爾欽水可通溫都斯坦又可證西域傳于闐之西水皆西流注西海矣余遣戌伊犁親遇溫都斯坦人以筆詢其曲折甚悉土人又云喀什噶爾連界有阿諦國在西海之濱而一統志于榜葛刺拂菻古里柯枝錫蘭山西洋瑣里諸國下皆云在西海中又可知昆侖之西實有西海與東南北三面之海並通非乾遠浩渺無所指實者可比矣蓋西海有泛言者漢書王莽立西海郡在今青海續漢志建安末以張掖居延屬國置西海郡歐陽忞輿地志北庭大都護下有西海縣云唐寶應二年置等是也有土俗名爲西海而實非西海者禹貢山水澤地記谷水出姑臧南山北至武威入海

東華錄卷一

六

東華錄卷一

七

八

居此水流兩分一水北入休屠澤俗謂之西海水經注又云敦薨之水自西海逕尉犁國去都護治所三百里此西海卽蒲昌海亦非是有實言西海所在者前後漢書西域傳及山海經水經注以迄上文所稱異物志扶南傳及一統志西域見聞錄等所述是也或又難余曰故書言河源上通天漢則河源當在地之極西今旣言實有西海則河源在西海之外乎西海之內乎曰河源介西海之南淮南子墜形訓可證矣云河出昆侖東北陬貫勃海入禹貢所導積石山高誘注勃海大海也河水自昆侖由地中行書曰道河積石入猶出也蓋河水伏流至積石山始出耳故漢書西域傳云于闐之西水皆西流注西海其東水東流注鹽澤河源出焉下語極有斟酌不言水東流注黃河而云注鹽澤河源出焉者明從此以上河皆伏流不礙于闐以西之水注西海也是黃河又伏流于西海之下與濟水之伏流于河水下等耳南朱量域旣蹙臯蘭以外卽如异域又何況萬里外之葉爾欽溫都斯坦等乎此則校容齋隨筆又未嘗不首欽昭代輿圖之廣得以目驗口述者證前人所未及也

竹柏樓記

入楓橋半里而近有小谿通胥江谿旁夾岸各數百家岸西有老柏合抱修篁成林者爲袁氏竹柏樓竹柏樓者袁

君廷椅之生母韓太孺人撫孤所居也余交袁君遲不及親覩太孺人之行事然每過吳門士大夫必稱袁君學行其稱袁君學行也又必本諸袁君之母余已悚然異之繼于友人處識袁君又嘗一登袁君之堂則所爲五硯之樓萬卷之閣者皆太孺人所留貽也又于梁棟閒讀太孺人庭誥家範輒諷誦不忍去袁君又嘗泣告余曰太孺人之教廷椅也凡廷椅一言一行之善太孺人必色喜獲交一端士聞人也亦然凡與廷椅問學相長者過從太孺人必親爲治具或有以緩急告者必傾橐以助之適力有不能則歎歎不怡者累日太孺人歿後廷椅承太孺人之志不改家以此中落烏呼太孺人可爲賢矣余頃以罪謫伊犁

不半歲蒙

恩釋歸甫抵安西卽允玉門令稿君承裕之請爲張烈女作傳今又得紀吾賢母行事往返三萬里中甫得傳一烈女紀一賢母然後知貞固之操瑰奇之行在世間亦不能多得也凡作竹柏樓詩者其若干人而舊史氏洪亮吉爲之記

錢大令維喬詩序

余幼耽吟詠未成童日卽識里中詩人三曰陳蕤賓曰湯遵路曰錢季木時三人者詩名已噪余甫學吟未敢遽定其優劣也三十後交道漸廣學識亦粗進因悉取三人者之詩而合觀之蕤賓能頌習古人矣顧自爲詩反不能學

古人遵路能學古人矣而未能盡化古人之蹊徑也獨季木才最高五言法魏晉六朝歌行則自初唐以迄北宋諸家無不涉厯近體則尤近大歷十子雖心摩古人而于古人之外別有一種幽奇靈秀之氣耐人尋味余尤心折之北名曰半園之半乃過從未及數月余卽入都嗣後官京師者十年季木之音問時至詩顧不多覩也歲戊午余以弟喪乞假歸在里中八閏月與季木過從尤密亦時時觀季木之詩季木亦時時言欲綜理前後所作乞余訂定之而余又以奔

國卽入都矣不半歲以語言愚憲部議殊死

聖天子寬其要領之誅戍之絕域卽日押出

國門時余在請室中繹紺徧身役車又敦促上道匆猝未暇念及妻子也獨割讞案紙尾疾作書寄季木與孫兵備季仇與之訣別聞季木得余書痛哭失聲時時走余家問消息及余抵戌所甫一日卽得季木書于患難中申之以婚姻所以慰戒之者無不至在戌所三閏月凡三得季木書而余已蒙

清代詩文集彙編

以自明涉世之工否則自謂爲深識遠見以爲固早慮其有此此其人亦何嘗不爲詩文然要皆揣摩世故之談與影響游移之語求其能領習古人者已十不得一矣況能學古人而得其似乎學古人而得其似又百不得一矣況能于古人之外別具心手平此季木詩之所以可貴而予之序季木詩綜覽平生不禁其悲喜之交集也季木近頗學釋道兩家他日所爲詩或稍雜道流禪悅之語然此非季木詩之至也故予序季木詩亦以已未以前爲斷云復臧文學鋪堂問通俗文書

昨頒到通俗文輯本坡閱之下知足下好古之殷淵羅載籍之博與亡友任君大椿所輯字林均爲小學家不可少之書矣亮吉幼亦嘗從事于此故尊集跋語內欲足下于所引原書下分別開載以存古人之實足下或不以爲然而又垂詢及之用敢粗次所知者以復焉此書自劉昭續漢書注後徵引者不下十餘家然惟李善文選注及太平御覽所采最夥攷文選注引通俗文不著服虔者如上林賦注水鳥食謂之喫長楊賦注骨中脂曰髓登樓賦注暗色曰臻江賦注髮亂曰鬚耳珠曰璫琴賦注樂不虧謂之服虔者赭白馬賦注天子出虎賁伺非常謂之遮迎長笛賦注營居曰鄖洛神賦注耳珠曰璫琴賦注樂不虧謂之服虔等是也御覽引通俗文不著服虔者脣不覆齒謂之

齋卷三百八十九乳病曰疣三百一百一噴導曰管六十八人障牀曰瘡

六百九等是也引通俗而明著服虔者剝葦傷盜謂之搶三十三毛飾曰耽三百四匕首劍屬其頭頸匕故曰匕首短而便用三百四矛長八尺謂之矟三百五十六大杖曰棓三十七所以制馬曰鞬三百五凡勒飾曰珂第鞬尾曰鞬五百五十等是也至若他書所引有止言服虔而文法絕似通俗文者史記禮書裴駰集解引服虔云賓謂之第等是也有變文言通俗篇者文選琴賦注引服虔通俗篇是也又有止言服虔俗說者顏氏家訓書證篇殷仲堪常用字訓亦引服虔俗說之類是也至杜預左傳注多用服虔舊說今通俗文與杜注可相發明者極多又如亭水曰汪腋下謂之胥頭創曰湧遮取謂之抄掠自敬曰庇財帛曰賄覆蓋曰葺等疑皆服氏注左傳舊說又互見于此編也若左傳文三年螭魅罔兩周禮家宗人正義引服虔注云魍魎木石之怪而一切經音義引通俗文木石怪謂之罔兩益可爲服氏著通俗文之證至襄十四年射兩鈞詩小戎正義引服注云鈞車輶而御覽七百七引通俗文云軸限者謂之拘拘古字同又可知義訓無不合矣至前人疑此書出李虔者不過因晉中經簿所無又引初學記器物部舟第十一引李虔通俗音曰舶一語以證梁阮孝緒之說不知器物部牀第五先引服虔通俗文云牀三尺五曰榻板獨坐曰杆八尺曰牀近在一卷之中且牀第五引服虔之說緊次說文而舟第十一引李虔之說則次于廣雅之

後明通俗文係服虔所作而李庚續之名既相同阮孝緒等遂混二書爲一如許慎淮南王書注半滑入高誘注中亦賴有御覽係北宋初年所輯尚分標二人之名後人則亦混爲一矣唐書藝文志固明標李庚續通俗文言續則非始自李庚可知君家先人經義雜記又以隋書經籍志次此書于沈約四聲等書後而證其爲李庚不知隋志亦唐人所修與徐堅釋元應相距不遠今徐堅所引則次于說文一切經音義所引則皆在三蒼釋名之上則唐人亦皆以此書爲服虔所造也至若反音不妨爲後人所補入或專係李庚續書中語與通俗文之爲服虔注無礙也又輯本中亦尚有脫漏處如御覽人事部二十二引通俗文故得瑕尚示知之

容麗曰媚形美曰娟容美曰嫋南楚以好爲娃肥骨柔弱曰媠嬪嬾輔妍美曰嫋媚容茂曰媠不媠曰媚可惡曰媠大醜曰棄醜稱曰嫉等語足下引其半而遺其半未審何

三山僧詩合刻序

三山僧者乳山方丈古巖攝山方丈慧超焦山方丈巨超

三山者在江甯鎮江之間相去不越一二百里山既近而三僧者以詩相切磋無間晨夕余不識古巖而識巨超因巨超識慧超二超者又時時爲余道古巖遺事旣而讀三僧詩其清遠絕俗若出一轍又加以性靈焚香掃地枕飯杯茗撞鐘擊磬梵聲佛號佈施之雜沓經歲之繁瑣入

則一蒲團一龕出則一瓶一鉢經府厯縣蹈山躋水千險百怪億態萬狀一一見之于詩而未已也值俗家父母兄弟之疾痛所居所遊歷之州縣水旱疾疫皆于詩見之非常常縉紳者流貌守戒律以口頭禪爲五七律者比或以謂三僧者旣逃乎方之外矣而又拳拳于一家拳拳于一世若此于彼道爲過余獨謂不然三僧者惟遊于方之外而尚能拳拳于一家拳拳于一世以視士大夫受倚畀之重而遺棄一切不肯任事反侈說因果縱談天釋以驚世而惑衆彼其心或以爲置身事外則人莫能窺我之際矣又豈知卽談空說法而不能任事之實已百喙莫辨乎則何如此三僧者雖以空虛爲主寂滅爲宗而尚不忘天性二超而復有以知古最然後知方外之詩亦未嘗不以性情爲重也陽湖洪亮吉序

重建新塘鄉文成橋碑記

自城而鄉橋之石者以千計大率劙始于

本朝者十之三劙始于明者十之七中其在宏治以前者又居大半焉蓋其時世漸坦夷人皆務實工作之事董厥成供厥役者一切無苟且之心潛之欲其深培之欲其廣鎔之欲其固築之欲其堅縱厯三四百年偏旁偶有傾塌而視其內則鑿之不能入也斧之不能裂也卽一

橋之成而人事之慎密物力之充裕均可見焉明中葉以

後則不然歛錢非不多工作非不久而視其石則薄以裂

視其磚則滲以塉視其灰與土則淋而不周墮而不實故

稽其所歷之歲月嘗不及宏治以前之半云新塘鄉之有

橋俗呼曰雪堰卽方志所爲文成橋也其上爲南北之孔

道其下爲吳越之要津又爲太湖之隘口旱潦宣洩之所

經嘉慶五年六月甚雨水漲橋忽崩圯橋洞之碑出焉云

建于成化二十年考之方志則又曰成化十三年要不出

成化中近是逾年本鎮募錢得五百餘千復興築之拆視

其下基址深固層復一層惟樁以松木則已朽壞于是某

某司其事者益不敢艸率卒工而排基則易以徑尺老杉

長約七尺餘老杉以上均用大石博砌復綱以石粉自水

盤石而上約深十餘層計深丈有零某等皆廢其本業日

夕監視稍不如意輒改作之以視成化年之所造蓋有加

焉夫橋之成必書其歲月及司事者之姓名于石此陳例

也若歷久而不壞則里之人必追頌之曰是某某之所督

司也某某之所營造也費不浮而工歸于實是以能歷久

若此若夫成而遽毀或不及百年不及數十年而遽毀則

里之人亦必竊竊議之曰是某某之所督司也某某之所

營造也歛錢雖多中飽者若干浮費者若干某某又慢于

其事以致如此則豈不爲一方之大戒哉橋成乞亮吉書

口月于石因樂爲記之并垂以爲後來式云時嘉慶六年

九月望日

董太恭人晚翠軒遺稿序

晚翠軒遺稿者吾友董君心牧母莊太恭人所製也亮吉

與心牧同歲生心牧日月差長亮吉六歲孤心牧九歲孤

又值兩家中落貧苦之況亦畧同憶亮吉服喪甫闋心牧

尚未居憂舅姑董安人莊太恭人從姑也暇日偶攜諸姊

及亮吉訪太恭人于玉梅橋里第時太恭人一子一女女

甫及笄里第向北太恭人居屋南向屋中設幔一臥榻二

南壁鑿楹層疊貯書一琴在北几甕益四五列西牖下董

安人知太恭人之善琴也拂絃以請太恭人轉以命女鼓

竟一曲乃止復與董安人語兩家事故甚悉亮吉時與心

牧兒戲堂皇下閒聆太恭人語雖尚少無甚識解已肅

然敬之殆成童日復與心牧訂交益詳審太恭人之所以

撫孤所以教子所以貧而自立幾幾至于子之有成也與

吾母太宜人一無以異以是兩人交益親學亦益苦及亮

吉與心牧先後成進士官京師而兩家之母已不及見矣

聞中與心牧過從談及先世事往往對泣不已歲戊午亮

吉時蒙

恩侍學三天以弟喪乞假歸適心牧亦以戶部郎出守廣
西潯州兩人者又同時出都同時抵里中諸父老與知
舊讌客兩個人者亦無不偕心牧則時時言欲爲太恭人刊
遺稿而以序屬亮吉亮吉敬諾之然心牧行甚急不暇報

命也後一年亮吉以奔

與宿松文學書

國卹入都半歲復乞假歸瀕行奏記三府以語言愚憲罪至不測今上赦其死罪遣戍伊犁行至涿州始聞心牧廣西之計于役車中東向以哭不暇爲位也嗚呼亮吉與心牧交三十年心牧則可以不死而遽死亮吉則可以死而卒不至子死以至復荷

聖天子不次之恩放歸田里距與心牧別僅二年距心牧之死僅一年耳方其荷戈萬里冒大雪出關行無人之境者至六十日墮傳車不死陷雪窟不死又豈知生還有日復能訪太恭人舊日之居第并亮吉童年與心牧嬉遊之所一再展故人之殯又敬序太恭人之詩乎蓋吾兩家三十年來生死離合之故無不畢備序太恭人詩一一根觸及之涕不知何從又因太恭人而轉傷吾母太宜人之先亡與太恭人皆不逮子之祿養繼又念亮吉流徙轉瀕于萬死之狀幸太宜人不及見之見之而或悲其愚悲其愚而又或慮其死則太宜人必憂傷成疾是又益重亮吉之罪也太恭人遺稿一卷詩凡若干首上者無愧漢魏閒人次者亦不作尋常閑閭語雖一編寥寥其傳于後已無疑義若夫守志撫孤之大節前仁和廩學士文弨撰常州府志已與吾母太宜人並編入賢母傳無俟亮吉復述時

嘉慶五年歲次庚申歸自伊犁之次月

遠承足下渡江過訪慰甚幸甚坐次足下述及宿松本漢之松滋并言漢晉時有五松滋分屬廬江安豐南郡南河東及僑立之松滋郡其言甚辨然實不如足下所云也今攷松滋之名始于漢昭帝始元五年封六安共王子霸爲侯國漢書地理志廬江郡有松滋注云侯國是也今廢縣在宿松縣北後漢無松滋縣至晉初復立又移屬安豐郡縣治亦移至北百餘里圖經故城在今霍丘縣東十五里沈約宋書州郡志稱晉太康地志松滋縣屬安豐是也安豐郡本分廬江郡立是安豐之松滋卽廬江之松滋無疑矣至晉成帝又于尋陽僑置松滋郡安帝又省松滋郡爲松滋縣皆遙隸揚州晉書地理志所載是也圖經廬縣在今九江府德化縣東此松滋僑縣之一矣若荊州南郡之有松滋縣晉書地道記云咸康三年以松滋流戶在荊土者立松滋縣沈志亦云疑是有流民寓荆土故立今湖北荊州府松滋縣尚承晉僑縣舊名此松滋僑縣之二矣若南河東郡之松滋則沈志又云晉成帝咸康三年征西將軍庾亮以司州僑戶立南河東郡而圖經則云咸康四年于南郡所屬松滋僑縣立南河東郡是南河東郡之松滋卽南郡之松滋非有二也然古今地志每好立異說以亂眞如松滋之改名高塘高塘之改名宿松在隋開皇十八年而樂史太平寰宇記乃云晉武平吳以荊州有松滋縣

遂改爲宿松夫晉武平吳卽漢松滋舊縣立尚未久何容卽有荊州之舊縣則豈非瞽說乎又古今地名復云廬江郡松滋卽古鳩茲地攷左傳襄公三年子重代吳克鳩茲杜預注云鳩茲吳邑在丹陽蕪湖縣東今皋夷也圖經今訛作勾茲港在縣東四十里是鳩茲在江以南何容越江七八百里移至今霍丘縣境乎此又可不必辨者矣總之瓜分豆剖以舊戶占實土之名以後起變厥初之號遂至一縣之名也而領之者四州揚州刺史統之者五郡廬江安豐南郡松滋

東南河而地志之好爲異說者又不一何怪足下之致疑乎

足下能以漢晉宋地志爲據而稽其道里驗其沿革不爲異說所惑則善矣

呂廣文星垣文鈔序

吾里中多瑰奇傑出之士其年相若而才足相敵者曰孫兵備星衍楊戶部芳燦暨君而三三人者皆肆力于詩古文辭而各有所獨到孫君能爲說經辨駁之文以匡稚圭劉子政爲宗楊君能爲梁陳初唐之文尤以徐孝穆王子安爲宗君之文則不名一體其上者則敬通問交士衡辨亡也其次則皇甫持正之寺碑孫可之之書壁也至義闡懲勸旨寓抑揚則灑灑千萬言不止此又君之自命而人亦以此推君者矣三三人者負其才各不相下馳騁名場者乃三十載然或立勳邊徼或著績河防皆卓然有所樹立君獨窮老不遇僅以名諸生貢入胄監出而秉鐸數縣所

有西北之著姓有東南之著姓西北之著姓如宏農之楊

諸氏族譜序

恩旋里時孫君居憂寓居江甯先訪余里第獨君以職守不獲相見而嘗問時時來均可爲死生患難之友矣然則今之序君文者豈僅爲君文而設哉他日序孫君楊君之文亦當如是而已

聞喜之裴河東柳薛涿郡崔盧之類是也東南之著姓則延陵之吳義興之周琅邪之王南昌之熊以及吳都則顥陸朱張浙西則范全姚沈之類是也又有姓雖稀而不可不謂之著姓者西北則太原之祁廣平之閻東南則丹陽之荆昆山之諸丁戶不甚繁然自春秋迄今二千年中常聚族而居或占一鄉或占一鎮卽小有遷徙亦不出數百里之外間數代必有聞人是以譜系修明俗侈舉洵可謂土著之名族矣考諸姓出自越大夫諸稽鄧其見于春秋左傳者有諸缺見劉向說苑者有諸發見應劭風俗通者有洛陽令諸於今按其譜系雖自越而吳自蕭山而昆山自昆山而無錫自無錫而陽湖要皆不出四五百里

釋重一篇示及門呂重

說文字皆从本訓獨重字說文云王者印也則本秦漢之

制言之非重字本訓何則重字从土古人制重蓋皆以土爲之呂氏春秋適威篇云若重之于塗也抑之以方則方抑之以圓則圓淮南子謂古燒土爲重此云抑之以方抑之以圓者未入火以前重之坏也秦漢以前尊卑共用之周禮地官司市凡通貨賄以重節出入之鄭康成注云重節印章若今之斗檢封矣掌節貨賄用重節鄭注亦云今之印章也月令孟冬之月固封重高誘注呂氏春秋云重讀爲移徙之徙封重印封也誘注淮南子亦同左傳襄公二十九年公在楚季武子使公治問重書追而與之核玉海云晉書公作重今此事在昭公以前則世本之就非矣杜預注重印也戰國策欲重者段干子也史記楚世家懷王置相重於張儀是上下通

唐宋以前則閒有可攷元明以來則世次秩然瞭如指掌非子孫之賢而有學世世克承其先志而能如此乎且諸氏厯世以來官閥雖不甚顯而亦無極不肖子弟獲罪家國爲世所指名著于史冊如沈氏之充柳氏之璨熊氏之雲朗崔氏之允昭韓其人者謂非名宗之大幸抑亦家法修舉而能然歟是則講求譜系所以上紹祖宗條舉家規卽所以下貽孫子亦名宗賢士大夫之責矣嘉慶六年歲在辛酉某某等將重修族譜以余之粗辨氏姓也乞爲識其始末余故樂爲序之

金集文部卷三
重字說文重字从玉此籀文出當在後秦以來重無不以玉爲之者故字又从玉耳孔穎達正義引衛宏云秦以前民皆以金玉爲印惟其所好宏此語亦但以意言之如秦以前卽以玉爲重而因製从玉之重則宏言金可爲重何又不制从金之重字乎玉簾有鑄字云堅正也奴類切義與此別至說文王者印也下又云所以主土蓋因字本从土上王者印也四字恐與土義不相涉故又足此四字然究非此字本訓諸侯若在秦以後則諸侯亦不得稱重蔡邕獨斷所言皇帝六重續漢書輿服志重皆玉螭虎紐文云皇帝行重皇帝

之璽皇帝信璽天子行璽天子之璽天子信璽百官志符節令下有尚符璽郎中四人本注云舊一人在中主璽是也校霍光傳光召尚符璽郎攷尚符璽郎當係秦官漢承其制耳然則璽字本訓當若何義方諦耳至釋名云璽者徙也封物使可轉徙而不可發也則又以同聲之字爲訓與高誘注讀若義同

釋珠乙篇示及門李珠

說文玉部珠云蚌之陰精亦非珠字本訓攷珠字从玉古
人之珠皆以玉爲之周禮天官玉府掌共王之服玉佩玉
珠玉若合諸侯則共珠盤玉敦是也鄭注及孔穎達疏以珠玉爲蠻珠亦承許氏之說殊無別據續漢書輿服志孝明皇帝永平二年初詔有司

采周官禮記尚書皋陶篇乘輿服從歐陽氏說公卿以下
從大小夏侯說見皆廣七尺長尺二寸前圓後方朱綠裏
元上前垂四寸後垂三寸係白玉珠爲十二旒按此卽周玉十三公諸侯七旒青玉爲珠卿大夫五旒黑玉爲珠所謂白玉珠青玉珠黑玉珠皆琢小玉之白青黑者爲之歐陽夏侯皆承周秦以來先儒舊說明三代之制冕旒所垂之珠皆琢玉爲之非蚌珠矣按蚌珠亦無青黑等色珠亦有出于天

然不須琢者山海經厯山楚水多白珠揚雄子虛賦云赤玉玫瑰琳瑯吾注引倉頡篇云玫瑰火齊珠也張揖云

琳珠也左思蜀都賦云江珠瑕英又云青珠黃環注引博

物志云江珠琥珀別名青珠出蜀郡平澤玉篇蜀郡平津

縣出青珠此皆玉珠之天然不須琢者且卽以說文證之

瑰字下云玫瑰一曰珠圓好又云璣珠之不圓者又云琅玕似珠者亦可知珠皆玉爲之矣若蚌珠亦名珠者以其形之似名之然古人亦不單喚爲珠必加字于上以區別之禹貢淮夷蠻珠暨魚是矣若古人所用之珠果皆係蚌珠則字當从虫不必从玉也又考說文玼字下云玼珠也宋宏云淮水中出玼珠字又作蠻云夏書玼从虫賓玉篇玼又作玼此則專指蚌珠而言是知蚌珠之珠本別有字玼是也蠻是也玼亦是也不必更以玉珠之珠移屬於蚌也況物之有珠者又不獨蚌山海經文鼈生珠玉又云激汝之水其中多蜃珧郭璞注珧亦蚌屬是蚌有珠雖蜃亦有珠矣他若鼈鰐魚龍鱗蛇鼈鼈亦皆有珠埤雅采蘋說云龍珠在領蛇珠在口魚珠在目鮫珠在足鼈珠在腹珠在腹之類是也明百物之珠皆借玉珠之字爲義輿服志又云建華冠貫大銅珠九枚是五金皆可以製珠然但能同其名不可卽奪其義人之呼之者必當曰銅珠或曰龍珠魚珠不得僅目之爲珠也然則珠字自有本訓何得規許氏但欲以輔其不及耳餘尚有十數字不从本訓者辨已見曉讀書齊雜錄不贅

更生齋文甲集卷第二

陽湖洪亮吉著

春秋十論

壬戌歲在旌德洋山書院課徒因作此以示及門

春秋時以大邑爲縣始于楚論

春秋時楚始以大邑爲縣

商鞅傳作

秦本紀孝公十二年并諸小

鄉聚集爲大縣縣一令凡四十一縣

商鞅傳作三十縣漢書百官

表縣令長皆秦官萬戶以上爲令秩千石至六百石減萬

戶爲長秩五百石至三百石皆有丞尉

商鞅傳作言置合丞

然其

制實自楚創始之左傳宣十一年楚子入陳殺夏徵舒因

縣陳十二年鄭伯對楚莊王曰使改事君夷于九縣杜預

注楚滅九國以爲縣願得比之正義言楚滅諸國見于經

傳者哀十七年稱文王縣申息莊六年稱楚滅鄧十八年

克權僖五年滅弦十二年滅黃二十六年滅夔文四年滅

江五年滅六又滅蓼十六年滅庸凡十一國蘇氏沈氏以

權爲小國庸先屬楚除二國外爲九也襄公二十六年伯

州犁言穿封戌方城外之縣尹此見于左傳者也其見于

史記楚世家者則子革對靈王曰且入大縣而乞師于諸

侯又惠王之十年是歲也滅陳而縣之是也此外則晉自

文襄以後大邑亦名縣左傳僖三十三年晉襄公以再命

襄公二十六年楚聲子欲復叔舉謂令尹子木曰晉人將

與之縣以比叔向昭公五年薳啓疆謂楚子曰韓賦七邑皆成縣也又云因其十家九縣其餘四十縣云云二十八

年晉殺祁盈及楊食我分祁氏之田以爲七縣分羊舌氏之田以爲三縣是也蓋春秋時已有改封建爲郡縣之勢創始于楚而秦與晉繼之至戰國而大邑無不爲縣矣又考楚文王縣申在魯莊公六年史記秦本紀言武公十年伐郢冀戎初縣之十一年初縣杜鄭晉語公子夷吾對秦

使公子紮曰君實有郡縣皆當在楚文王縣申之後廣韻又言楚莊王縣陳縣所自起亦非當云自楚文王縣申息始後世置小州其制亦始于楚左傳宣公十一年莊王復

封陳鄉取一人焉歸謂之夏州史記蘇秦傳楚東有夏州

海陽集解引徐廣云楚考烈元年秦取夏州今按楚世家

秦徐廣又註云州楚州陵又引車允撰桓溫集云夏口城

縣彼此不同未知誰是

上數里有洲名夏州張守節云州在大江中

春秋不諱娶同姓論

春秋時娶同姓者不一而足穆天子傳有盛姬是天子以

同姓之女備後宮也列國則晉獻公有大狐姬小狐姬驪

姬其娣生卓子亦姬姓故莊公二十八年傳惟二姬之子

在絳平公則內有四姬傳襄二十六年衛人歸衛姬于晉

等是也國語富辰曰聘由鄭姬韋昭注聘姬姓文王之子

聃季之國鄭女爲聃夫人同姓相娶大夫則齊崔杼娶棠

姜東郭偃所云君出自丁臣出自桓是也慶舍以女妻廬

蒲癸慶舍之士以爲子不避宗是也哀公十一年太叔懿子娶晉悼公子慈女亦同姓晉則牟舌氏爲晉公族而亦娶同姓論衛叔向之母姬姓是矣廣韵鄭公子有食采于徐吾之鄉後以爲氏是子南子晉又爭娶同姓之女也獨昭公以吳孟子貽議者以魯爲秉禮之國故耳又世皆識漢惠帝娶魯元公主女爲婦以爲妻外甥女不知春秋時卽有之左傳僖公二十四年晉侯逆夫人嬴氏以歸史記晉世家文公夫人秦女也服虔云穆公女文嬴也又傳稱秦伯納女五人懷嬴與焉晉語稱不敢以禮致之惟之故也韋昭注懽愛此女之故是懷嬴亦穆公之女子晉文公皆外甥女也

春秋時晉大夫皆以采邑爲氏論
晉大夫皆以采邑爲氏除韓趙魏本係建國不必更論後趙氏別子趙同食采于原故又稱原同屏括食采于屏故稱屏括又稱屏季邯鄲氏食采于邯鄲故稱邯鄲氏元和姓纂邯鄲氏趙穿之後魏犨之孫魏鈞食采于呂復食采于厨故稱呂鈞亦稱厨武子國語鉤之子亦稱呂宣子又魏顆子魏頡食采于令狐故國語又稱爲令狐文字地理志河東郡猗氏樂史云春秋時令狐也韓獻子元孫康食邑于藺又稱藺氏地理志西河郡藺縣廣韵藺姓亦山西河韓獻子元孫康食邑于此因氏焉外若樂氏食采于樂故樂叔以下皆稱樂氏左傳哀公四年國夏伐晉取邢任

樂鄗杜預注樂在趙國平棘縣西北按卽今趙州西北故樂城與正定府樂城縣接界地理志常山郡關縣後漢改稱莫芮水經注引京相璠曰今河東皮氏縣有莫亭古之冀國所都左傳僖公三十三年命卻鉤爲卿復與之冀是矣其後卻鉤食采于苦成故又曰苦成叔澣夫論苦成城名也在鹽池東北豹之孫楊又別食采于步故稱步楊世本豹生義義生楊楊生鵠居廣韵晉有步楊食采于步因氏晉楊子鵠居食采于蒲城故稱蒲城鵠居見周語韋昭注鵠居子至食采于溫故亦曰溫季桺廣韵唐叔虞之後受封于河內溫因以命氏是晉又有公族溫氏也晉臣先食采于晉後又合采于臼故稱晉臣亦晉臼季左傳僖公二十四年取白衰水經注引京相璠曰桑泉曰衰並在解東博物志又云臼季邑在解邑西北先軫食采于原故曰原軫杜預釋例云河內沁水縣西北有原鄉是矣至先且居則又稱霍伯當亦以采地名郡國志河東郡永安縣有霍太山校山側有霍城水經注汾水又南逕霍城東是也韋昭又云先且居先軫之子蒲城伯也後受霍爲霍伯是未受霍以前又嘗食采于蒲城故云蒲城伯蒲城卽霍耳所居在漢河東郡蒲子縣其後先穀又食邑于彘故曰彘季地理志河東郡彘縣是也悼公時士鲂亦食采于彘故